

## Mautali ke lata mae Omicron

**Hanai e tau mena mahuiga kua lata ia koe ke nofo tauteute mo e haau a magafaoa kaeke kua hoko mai e Omicron ke he tau maaga nonofo.**

Ko e nofo mautali kua mahuiga ke fai fakatutalaaga mo e fakafetui auloa ke moua e maamaaga mo e iloa e tau mena ke taute.

Kaeke kua fakamooli a koe kua moua he gagao COVID-19, kua hataki atu ki a koe ke nofo i kaina mo e nakai fakafetui auloa mo e ha tagata he haau a kaina mo e magafaoa.

Ko e tau fakatokatokaaga haau kua putoia ai e tau mena tuga e:

- Ko hai ka lagomatai a koe ke taute haau a tau fakatau tuga e tau kai mo e tau mena mahuiga ke lata mae haau a moui he tau aho takitaha. Kua mahuiga ke mautali mo e iloa e koe a lautolu ne kua maeke ke lagomatai a koe.
- Fai tagata nakai he loto kaina haau ne kua manako lagomatai tuga e tau tagata gahua leveki he tau tagata ne nakai malolō e tau alaga tino poke tau mamatua ne kua fai fakatokaaga he tau levekiaga faahi fakafili (shared custody) ke lata mae tau fanau.

- Ko e tau puhala fefē haau kua maeke ke taute ke matutaki ke gahua poke taute e tau fakaakoaga he loto kaina? Tutala ke he haau a pule gahua mo e tau aoga ke lata mo e tau fakatokatokaaga ke gahua mo e taute e tau fakaakoaga i kaina.
- Fakailoa ke he tau tagata ko koe ne nofo mamao mai mo e falu a tau tagata ha ko e tau puipuiaga. Maeke foki a koe ke taute e tau fakailoaaga ke tuku he gutuhala i mua he fale haau mo e QR codes ke lata mo lautolu ka oatu ke taatu e tau koloa mahuiga haau.
- Ka e kua ka gagao a koe mo e lata ke finatu ke he fale gagao? Tohi hifo e tau fakaholoaga mo e tau puhala ne fae fakagahua e koe le lata ma e levekiaga he tau manu fao, tau akau mo e tau totogiaga he tau pila ke iloa he taha tagata ke munitua atu ki ai.

Kua lata foki ia koe ke taute e taha puha ke mautali he kaina ke tuku ai e tau koloa tuga e tau tegavai, tau mena kai mo e tau higoa he tau tagata mo e tau fale kua mahuiga kia koe mo e magafaoa haau. Mahuiga ke tohi hifo e tau higoa, tau tau moui, tau numela NHI, tau gagao ke he tino, tau tegavai mo e tau vai lakau ne fae fakaaoga tumau he tau tagata he kaina haau. Ko e taute pehē nai ke mukamuka he tau pulotu fale gagao ke iloa ko hai he loto kaina haau. Kua lata foki ia koe ke tohi hifo e tau numela foni he haau a ekekafo magafaoa, tau fale gagao ne hafagi 24 e tulā mo e tau kautaha lagomatai.

Iloa ti fakakite e tau  
fakatokatokaaga mautali  
haau ke he tau tagata oti he  
kaina haau, ke iloa oti e  
lautolu e tau puhala ke  
lagomatai aki e taha mo e  
taha mo e ko hai ke matutaki  
ki ai kaeke kua gagao taha  
mo e kua lata ke nofo

mamao mai he tau tagata ha  
ko e tau puipui-puipui.

Omai ke gahua auloa.  
Nonofo puipui, nonofo  
felagomataiaki, ti  
fakamafana e tau tagata he  
haau a magafaoa mo e tau  
kapitiga ke mautali mo e  
taute e tau fakatokatokaaga.

**No tatou katoatoa teia. Kia noo teateamamao, maru e te  
au, ma te akamaroiroi atu'anga tetai i tetai kia papa ua rai.**